

影印
文淵閣

四庫全書

影印

文淵閣四庫全書

第六三〇冊

北京出版集團公司
北京出版社

本册目次

欽定續文獻通考(五)

清

嵇璜
曹仁虎等奉敕撰……………一

欽定四庫全書

史部
欽定續文獻通考卷一百四十一至一百四十三

給事中_臣劉芬覆勘

總校官_{閣中書}孫澐

欽定四庫全書

欽定續文獻通考卷一百四十一

經籍考

臣等謹案馬端臨以經史子集分部景目為經籍

考其所採錄悉本歷代史志以及王堯臣崇文總

目而評論則以晁公武讀書志陳振孫書錄解題

為宗又復旁參彙說折以己見凡著作之本末流

傳之真贋文理之純駁約畧皆有考焉若王圻續

欽定四庫全書

欽定續文獻通考

卷一百四十一

通考不論書之存佚一切摭據汎濫無徵則大失

端臨矜慎之初指矣今_臣等奉

命續纂通考經籍一門謹從端臨之例經史子集各就

見存以類編次伏惟我

皇上右文稽古近

勅儒臣採輯永樂大典并訪求遺佚編為四庫全書凡

總目所載宋代遺編多有端臨未及著錄者今皆

一一補入而遼金元明四代之書亦悉據四庫全

書按次編錄至端臨於每類之前各載史志部卷

總數蓋依館閣書目之舊其書之存佚不可知姑

錄之以備考也今亦以宋明史志總數列前其遠

金元三史不立藝文志散見各紀傳中亦即於卷

首標識焉又每類之中或刪其目或易其名皆參

諸四庫全書而於馬考稍為變通以歸允當其間

議論自宋元明諸儒外近世則採自顧炎武王士

正朱彞尊諸人為多其他論說之有當者亦具載

欽定四庫全書

欽定四庫全書

三

之至若書之見解或有異同人之出處不無謬舛

謹如案語辨證於後凡歷代儲藏採訪之規以及

編纂繕鈔之事宋則斷自理宗以後與遼金元明

四代列為總叙一篇以冠卷首亦如端臨之例云

總叙

宋

理宗淳祐元年八月詔求遺書

淳祐十一年六月詔求遺書并山林之士有著述者並

許上進

秘書省上言乞辟校勘檢閱等官仍行下諸路漕司

所部州縣應有印本書籍解赴冊府以補四庫之闕

及故家巨族必有遺書山林名儒豈無著述許令投

進照格推賞從之

臣等謹案馬考稱淳熙四年秘書少監陳騭等以

中興館閣藏書前後搜訪部帙漸廣爰仿崇文總

目類次書目計見在書四萬四千四百八十六卷

欽定四庫全書

欽定四庫全書

三

嘉定十三年詔秘書丞張攀等續修書目又得一

萬四千九百四十三卷較之崇文所載均有加焉

又稱諸郡諸路刻板而未及獻者不預此理宗時

所以汲汲求書不已也然自是以後書目亦不復

修其卷帙多寡不可考矣

宋史藝文志序曰宋舊史自太祖至寧宗為書凡四

志藝文者前後部帙有無增損互有異同今刪其重

複合為一志大凡為書九千八百十九部十一萬九

千九百七十二卷

臣等謹案馬考止取嘉定以前書銓而誌之其時宋之全史未出搜採不能無遺今核宋史藝文志所載併有嘉定以前之書而馬考未著錄者其總數雖具於正史而書已散佚名目徒存不皆可考云

遼

太宗大同元年三月取晉圖籍歷象石經悉送上京

欽定四庫全書

欽定續文獻通考
卷一百四十一

四

遼史文學傳序曰遼起松漠太宗以兵經畧方內禮文之事多所未備及入汴取晉圖書禮器而北然後制度漸以修舉

聖宗開泰元年八月那沙國乞賜儒書詔賜易詩書春秋禮記各一部

興宗重熙十三年六月詔編集國朝上世以來事蹟等

書

命罕嘉努與耶律庶成錄約尼汗至重熙以來事蹟

集為二十卷進之十五年復命罕嘉努曰古之治天下者明禮義正法度我朝之興世有明德雖中外嚮

化然禮書未作無以示後世卿可與庶成酌古準今制為禮典罕嘉努既被詔博考經籍自天子達于庶人情文制度可行于世者撰成三卷進之

臣等謹案罕嘉努本傳又稱詔譯諸書罕嘉努譯通歷貞觀政要五代史以進蓋重熙十五年以後事也

欽定四庫全書

欽定續文獻通考
卷一百四十一

五

二十三年十月幸新建秘書監

臣等謹案遼史稱興宗于是年十月幸新建秘書監王圻續通考但云新建秘書監而不言幸誤也

道宗清寧元年十二月詔設學頒五經傳疏

六年五月監修國史耶律白請編次御製詩賦仍命曰為序

十年十一月詔求乾文閣所闕經籍命諸儒臣校讐

臣等謹案王圻續通考作八年十一月今據本紀

改正

咸雍十年十月詔有司頒行史記漢書

臣等謹案道宗崇尚經籍史不一書本紀又稱大

安二年正月召權翰林學士趙孝嚴知制誥王師

儒等講五經大義四年四月西幸召樞密直學士

耶律儼講尚書洪範五月命燕國王延禧寫尚書

五子之歌謹附識于此

金

欽定四庫全書

欽定四庫全書通考
卷一百四十一

六

太祖天輔五年十一月詔克遼中京以禮樂儀仗圖書

文籍先次津發赴關

太宗天會五年四月以宋圖書與大軍北還

世宗大定二十三年八月以女直字孝經千部付點檢

司分賜護衛親軍

九月譯經所進所譯易書論語孟子揚子文中子劉子

及新唐書命頒行之

帝諭宰臣曰朕所以令譯五經者正欲使女直人知

仁義道德所在耳

臣等謹案王圻續通考作二十四年九月今據本

紀改正

二十六年三月制明安穆昆皆先讀女直字經史然後

承襲

從親軍完顏竒納言也因曰但令稍通古今則不敢

為非爾

章宗明昌二年四月學士院進唐杜甫韓愈劉禹錫杜

欽定四庫全書

欽定四庫全書通考
卷一百四十一

七

牧賈島王建宋王禹偁歐陽修王安石蘇軾張耒秦觀

等集二十六部

五年正月詔求遺書

凡崇文總目內所闕書籍悉購之尋又置宏文院譯

寫經書

泰和元年十月勅有司購遺書

勅曰宜償其價以廣搜訪藏書之家有珍惜不願送

官者官為贖寫畢復還之仍量給其直之半是年又

定秘書郎為二員掌經籍圖書

四年十月詔親軍三十五以下習孝經論語

元

太宗八年六月立編修所於燕京經籍所于平陽編集

經史

從中書令耶律楚材請也召儒士梁涉充長官以王

萬慶趙著副之

世祖至元元年二月勅選儒士編修國史譚寫經書起

欽定四庫全書

欽定四庫全書
欽定四庫全書
卷一百四十一

八

館舍給俸以贍之

四年二月改經籍所為宏文院

五年十月勅從臣托果斯等錄毛詩孟子論語

六年九月徙平陽經籍所于京師

十年正月立秘書監掌圖書經籍

十二年九月以伊實特穆爾為御史大夫括江南諸郡

書板及臨安秘書省書籍

秘書監上言本監應收經籍圖書書畫等物見數不

教失落又言江南諸郡多有經史書籍木板俱令收
拾見數不教失散

十三年二月詔收宋臨安圖籍典故文字

時宋初奉表降詔諭臨安凡秘書省圖籍典故文字

盡仰收拾又命宣慰使焦友直收拾宋秘書省圖籍

尋以江南運到經史子集文字書畫等物俱付秘書

監收掌遇有檢閱于秘書監閑取用畢還監

十五年四月以集賢大學士許衡言遣使至杭州等處

欽定四庫全書

欽定四庫全書
欽定四庫全書
卷一百四十一

九

取在官書籍板刻至京師

二十七年正月復立興文署掌經籍板

臣等謹案王士點等秘書監志稱至元十一年以

興文署隸秘書監掌雕印文書又稱十三年以興

文署併入翰林院元史本紀及百官志俱未載惟

紀其復立興文署屬集賢院而始建中廢以及改

隸年月均未詳攷今據秘書監志輯其大畧如此

成宗大德七年三月布呼齊岳鉉等進大一統志

先是至元二十二年命大集萬方圖志而一之以表
皇元疆理無外之大詔大臣近侍提其綱立局置屬
編纂凡九年而成書續得雲南遼陽等書又纂修九
年至是繕寫始就總計六百册一千三百卷進呈藏
之秘府

臣等謹案元所修大一統志最為繁博明焦竑國
史經籍志惟載其目今已散佚無存

十一年八月時武宗已即位中書右丞博囉特穆爾以國字譯

欽定四庫全書

欽定四庫全書

孝經進命刻板摹印諸王以下咸賜之

詔曰此乃孔子之微言自王公逮於庶民皆當由是
而行

武宗至大四年六月時仁宗已即位刊行貞觀政要

帝覽貞觀政要論翰林侍講阿琳特穆爾曰此書有
益于國家其譯以國語刊行俾蒙古色目人誦習之

仁宗延祐四年四月以大學衍義譯國語

先是帝為太子時有進大學衍義者命詹事王約等

節而譯之帝曰治天下此一書足矣因命與圖象孝
經列女傳並刊行賜臣下至是翰林學士承旨和搭
拉都哩默色劉賡等譯大學衍義以進帝復令翰林
學士阿琳特穆爾譯以國語五年八月復以江浙省
所印大學衍義五十部賜朝臣

五年十一月鈐行唐陸淳所著春秋纂例等書

集賢大學士庫春言唐陸淳著春秋纂例辨疑微旨

三書有益後學請令江西行省鈐梓以廣其傳從之

欽定四庫全書

欽定四庫全書

文宗天歷二年二月立奎章閣學士院命儒臣進經史

是年立藝文監隸奎章閣學士院專以國語敷譯儒

書及儒書之合校讐者俾兼治之又立藝林庫專一

收貯書籍廣成局專一印行祖宗聖訓凡國制等書

皆隸藝文監

臣等謹案本紀但云是年立藝文監及藝林庫廣

成局其職掌之制未詳今參以陶宗儀輟耕錄所

載較為詳晰

九月敕翰林國史院官同奎章閣學士采輯本朝典故
準唐宋會要著為經世大典

繼又命趙世延趙世安領纂修經世大典事至至順
二年四月纂修成凡八百八十卷目錄十二卷

臣等謹案元修經世大典今已散佚無存

元秘書監志曰至正二年五月準監丞王道關奏竊
謂古之書庫有目圖書有題所以謹儲藏而便披玩

也伏觀本監所藏多係金宋流傳及四方購納古書

欽定四庫全書

欽定續文獻通考
卷一百四十一

十三

名畫不為少矣專以祇備御覽也然自至元迄今庫

無定數題目簡帙寧無紊亂應預將經史子集及歷

代圖畫隨時分科品類成號他時奉旨庶乎供奉有

倫因得盡其職也合無行下秘書庫依上編類成號

置簿繕寫凡在庫書

經一百二十一部一千二十三册
史七十九部一千七百二十

四册集五十七部一千七百二十四册
道書三百三十四部
醫書一十四部一百七十一册
方書八

部一百五十二册 先次送庫書十二部四百七十八册

經六部一

百一十三册
史四部七十册
集二部一百九十册 後次發下書一千一百五

十四部一萬六百三十四册

經二百四十四部二千一百四十五册
史一百

三十二部一千八百四十三册
子一千二百二十二部
七百一十二册
集四百六十三部
五千九百三十四册

法帖四十二部續發下書六百四十二部七千五百

一十册經一百六十六部一千九百四十六册
史四

三册集一百二十部二千五百三十三册
類書九十六部
九百三十一册
小學六十八部
二百二十八册
志書

三十三部三百三十册
醫書五十一部
四百六十一册
陰陽書二十五部
一百三十册
農書一十二部
三

十七册
兵書五部
二十一册
釋道書三部
二十二册
法帖一部
一十册

臣等謹案元代藏書可考者止秘書監志書目一

欽定四庫全書

欽定續文獻通考
卷一百四十一

十三

卷今撮錄於此

陶宗儀輟耕錄曰元至正六年朝廷開局修宋遼

金三史詔求遺書有以書獻者予一官江南藏書

多者止三家莊蓼唐其一也繼命危學士樸特來

選取其家慮恐兵遁圖讖干犯禁條悉付祝融氏

及收拾燼餘存者又無幾矣蓼唐嘗為宋秘書小

史其家蓄書數萬卷且多手抄者經史子集山經

地志醫卜方技裨官小說靡所不具書目以甲乙

分十門

陸深金臺紀聞曰元時州縣皆有學田所入謂之學租以供師生廩餼餘則刻書工大者合數處為之故警校刻畫頗有精者

明

太祖洪武元年八月大將軍徐達入元都收圖籍

十三年七月以翰林院典籍司藏書

初洪武三年設秘書監丞典司經籍至是從吏部之

欽定四庫全書

欽定四庫全書
卷一百四十一

十四

請罷之而以其職歸之翰林院典籍至十五年又設

司經局屬詹事院掌經史子集制典圖書刊輯之事

立正本副本貯本以備進覽又有古今通集庫亦以

藏書

十四年三月頒五經四書于北方學校

成祖永樂四年四月遣使購遺書

帝御便殿閱書史問文淵閣藏書解縉對以尚多缺

畧帝曰士庶家少有餘貨尚欲積書况朝廷乎遂命

禮部尚書鄭賜遣使訪購唯其所欲與之勿較

五年十一月詔編永樂大典成

先是命解縉纂集類書為文獻大成已而嫌其未備

乃命姚廣孝等重修至是告成凡二萬二千九百三

十七卷賜名永樂大典

臣等謹案明修是書最為浩博永樂六年詔復寫

一部未完而輟至嘉靖中乃續繕成之今原冊尚

存所缺僅什之一其中誠多世不經見之書第依

欽定四庫全書

欽定四庫全書
卷一百四十一

十五

韻綴字踏楸不倫無當於柱下之藏也乾隆三十

八年我

皇上特命儒臣詳加校勘完善者存之散見者哀之芟

蕪除謬區別至精凡書佳者悉已繕錄彙入四庫

次則標存名目列於書末真是編之大幸矣

十七年三月遣使取南京文淵閣書運致北京

帝在北京遣侍講陳敬宗至南京起取文淵閣所貯

古今書籍白一部至百部以上各取一部北上皇太

子乃遣修撰陳循如數齋送得一百櫃督舟十艘載以赴京

宣宗宣德四年十月幸文淵閣與楊士奇等討論經史

因賜士奇等詩

時秘閣貯書約二萬餘部近百萬卷刻本十三抄本

十七

臣等謹案焦竑經籍志稱宣德以來世際昇平篤

意文雅廣寒清暑二殿及東西瓊島游觀所至悉

欽定四庫全書

欽定增文獻通考

卷一百四十一

置典墳蓋是時嘗命繕錄書籍分貯各殿以備觀

覽也

英宗正統六年六月詔編文淵閣書目

楊士奇等上言文淵閣見貯書籍有祖宗御製文集

及古今經史子集之書自永樂中南京取來向於左

順門外北廊收貯未有完整書目近奉旨移貯于文

淵閣東閣臣等逐一勘編置字號輯成文淵閣書

目請用廣運之寶鈐識仍藏于文淵閣永遠備照庶

無遺失制曰可

朱彝尊曰宋靖康二年金人索秘書監文籍節次

解發見丁特起孤臣泣血錄而洪容齋隨筆亦云

宣和殿太清樓龍圖閣所儲書籍靖康蕩析之餘

盡歸于燕元之平金也楊中書惟中於軍前收集

伊洛諸書載送燕都及平宋王承旨構首請筆宋

三館圖籍宋之寶錄正史皆完當時勅平章政事

太原張易兼領秘書監事有詔許京朝官假觀由

欽定四庫全書

欽定增文獻通考

卷一百四十一

是言之文淵閣藏書乃合宋金元所儲而匯于一

益以明永樂間南都所運百櫃攷正統六年編定

目錄凡四萬三千二百餘冊若永樂大典一書多

至二萬二千九百三十七卷皆藏諸皇史宬不與

焉縹緗之富古所未有其後典守不嚴歲久被竊

萬歷三十三年內閣制勅房辦事大理寺左寺副

孫能傳中書舍人張萱等奉閣論較理纂輯書目

則并累朝續添書籍入焉然大半殘闕較之正統

目錄則十僅存二三爾崇禎甲申之變散佚轉多矣

臣等謹案文淵閣書目蓋本當時閣中存記冊籍故所載多不著撰人名氏又有冊數而無卷數惟畧記若干部為一櫥若干櫥為一號以千字文為次自天字至往字凡得二十號五十櫥今以永樂大典對勘其所收之書世無傳本者往往見于此目亦可知其儲度之富第士奇等承詔編錄不能

欽定四庫全書

欽定四庫全書
卷一百四十一

考訂撰次俾觀者漫無考稽牽率殊甚獨藉此編之存尚得畧見一代秘書之名數耳至於朱彝尊所論蓋深惜其典守非人致多散佚且以奉詔編目可以言而不言為士奇罪也又首敘金元開國收集圖書并具述有明一代藏書始末均可與正史參證故備錄之

武宗正德十年十一月命修補藏書

大學士梁儲等請檢內閣并東閣藏書殘闕者令中

書胡順典籍劉偉及原管主事李繼先等次第修補從之自是書籍亡失多矣

謝肇淛五雜俎曰內府秘閣所藏書皆倒摺四周外向雖遭蟲鼠啣而中未損但文淵閣制既卑狹而牖復暗黑抽閱者必秉炬以登內閣老臣無暇留心及此徒付管鑰于中翰涓人之手漸以汨沒良可嘆也

欽定四庫全書

欽定四庫全書
卷一百四十一

王肯堂鬱岡齋筆塵曰文淵閣藏書皆宋元秘閣所遺雖不甚精然無不宋元板者典籍既不知爰重閱老亦漫不檢省往往為人竊去今所存僅千百之一矣

世宗嘉靖十一年七月南京國子監刊修二十一史成初南京國子監祭酒張邦奇等請校刻史書欲差官購索民間古本部議恐滋煩擾帝命將監中十七史舊板考對修補仍取廣東宋史板付監

宋史為成化十六年所

廣總督朱英所刻 遼金二史原無板者購求善本翻刻至是

以成祭酒林文俊等表進

顧炎武曰宋時止有十七史明則并宋遼金元四史為二十一史遼金二史向無刻本南北齊梁陳周書人間傳者亦罕故前人引書多用南北史及通鑑而不及諸書亦不復采遼金者以行世之本少也

臣等謹案元史則洪武三年已有刊本故是時議弗及之又萬曆中北監刻十三經二十一史其板視南稍工而較勘未精訛舛彌甚且有不知而妄改者詳見顧炎武日知錄中

明史藝文志序曰明御製書文內府鑄板而儒臣奉勅修纂之書及象魏布告之訓卷帙既夥文藻復優當時頒行天下外此名公卿之論撰騷人墨客一家之言其工者深醇大雅卓卓可傳即有怪奇駁雜出乎其間亦足以考風氣之正變辨古學之源流識大學小學故備焉挹其華實無讓前徽可不謂文運之

欽定四庫全書

欽定續文獻通考
卷一百四十一

五

盛與前史兼錄古今載籍以為皆其時柱下之所有

也明萬曆中修撰焦竑修國史輯經籍志號稱詳博然延閣廣內之藏竑亦無從徧覽而贗書錯列徒滋偽舛故今第就二百七十年各家著述稍為釐次勒成一卷凡卷數莫考疑信未定者寧闕而不詳云

臣等謹案焦竑國史經籍志書雖詳博然但據古人著錄未嘗目見本書多有唐宋所逸而竑反採錄畧無欠缺者此未足徵信也至于有明一代藝文著述則固詳具正史焉

欽定四庫全書

欽定續文獻通考
卷一百四十一

五

欽定續文獻通考卷一百四十一

欽定四庫全書

欽定續文獻通考卷一百四十二

經籍考

臣等謹案馬端臨通考經類自易至小學皆據列

史藝文志以分門目今續通考準明史藝文志之

例增四書類其論語孟子各有專本仍依馬氏分

列二門而大學中庸之單行者亦仍入於禮記以

存其舊至謚法一門別於史部故事類著錄所纂

欽定四庫全書

欽定續文獻通考
卷一百四十二

經部凡一十有四曰易曰書曰詩曰禮曰春秋曰

論語曰孟子曰孝經曰經解曰四書曰樂曰儀注

曰讖緯曰小學各依次編輯如左

經易

宋史藝文志易類二百一十三部一千七百四十卷

不著

錄者十九部一
百八十六卷

遼金元三史不立藝文志散見各紀傳中

明史藝文志易類二百二十二部一千五百七十卷

宋

司馬光溫公易說六卷

光字君實夏縣人寶元進士甲科官至尚書左僕射

兼門下侍郎贈太師溫國公謚文正從祀孔子廟庭

臣等謹案是書馬端臨通考所載僅一卷引晁公

武之言曰雜解易義無銓次蓋未成書也考朱子

語類云嘗得溫公易說於洛人范仲彪盡隨卦六

二其後缺焉後數年好事者於北方五市得版本

欽定四庫全書

欽定續文獻通考
卷一百四十二

喜其復全是其書在當時所傳已多寡互異其後

乃并失傳故朱彝尊經義考亦註為已佚今獨永

樂大典中有之幸際

聖朝表章典籍錄入四庫全書亦知名賢著述其精

義所在有不終泯沒於來世者矣

邵伯溫易學辨惑一卷

伯溫字子文邵子之子南渡後官至利路轉運副使

事蹟具宋史儒林傳

臣等謹案朱彞尊經義考載此書註曰未見此本自永樂大典錄出蓋明初猶存宋史藝文志但題辨惑一卷無易學字永樂大典則有之與書錄解題相合馬端臨通考於此書引入鄭揚庭周易傳下未列為書目今特增入

耿南仲周易新講義十卷

南仲字希道開封人靖康間以資政殿大學士簽書

樞密院與吳玠沮戰守之說力主割地南渡後遷謫

以終

張浚紫巖易傳十卷

浚字德遠號紫巖居士蘇州人舉進士歷相高宗孝

宗封魏國公謚忠獻

吳沆易璇璣三卷

沆字德遠臨川人

沆進易序曰臣自少學易患其難明求諸聖人之

言曰知者觀其象辭則思過半矣又求諸明象之

欽定四庫全書

欽定續文獻通考
卷一百四十二

三

言曰據璇璣以觀大運則天地之動未足怪也臣

自是誦易之象浸歷歲時渙然冰釋象也者易之

門戶而象之管鑰也臣學象既有所省以次求之

卦求之象求之爻稍見諸儒缺少因捨其餘遺竊

為議論以為易莫大於乾坤而聖人以天為法乃

作法天六子之用初無定體變而通之存乎其人

作通六子乾坤六子皆以中道為貴作貴中中也

者二五之位也而六爻之位互分陰陽去其初上

欽定四庫全書

欽定續文獻通考
卷一百四十二

四

則不足以成章作初上定位踐其位者非六即九

也六九之名當定於自然而先儒以人事加之於

理未安作六九定名名位既定則六十四變決非

偶然作乾坤變卦卦變之說不一而足先儒考傳

或失其正論其至當不過有四作論變有四泥於

辭不知象之可貴則不見天地之蘊奧作有象明

象之端莫先於象作求象聖人之作易非直為卜

筮而已所以崇帝王之德業辨君臣之名位而定

君子小人之分也乃作明位明君道明君子君子之德足以養人然後刑可議刑可議而後伐可致作論養論刑論伐蓋養人之旨不明於天下則教道不立教道不立內外不分而吉凶無辨也作辨聖辨內外辨吉凶易之為道變動不居卦無定象爻無定辭不可以有執也乃作通卦通象通爻通辭苟期乎通而無一定為證則失之泛泛無統作通證事有一定而未免於疑者重卦繫辭是也作

欽定四庫全書

欽定續文獻通考

卷一百四十二

五

釋卦釋卦互體之說雖不可泥而亦不可廢作存互體如是而易略備矣凡物既備則當思其未備者以廣之作廣演而終焉
納喇性德曰先生幼孤事母孝政和間常獻書於朝不報歸隱環溪且言易自象而求之卦次求之象次求之又為論二十七篇其文簡奧間以韻語行之類古繇辭卓然成一家之言者也

臣等謹案沆于高宗紹興十六年與其弟澥詣行

在獻書澥所獻曰字內辨曰歷代疆域志沆所獻曰易璇璣曰三墳訓義澥書皆不傳沆三墳訓義為太學博士王之望所駁亦不傳惟此書僅存

張栻南軒易說

無卷數

栻字敬夫丞相浚子師胡宏宏一見即以孔門論仁親切之旨告之栻退思有得宏稱之曰聖門有人栻益自奮厲以古聖賢自期以蔭補官累遷秘閣修撰知江陵府安撫本路終右文殿修撰諡曰宣從祀孔子廟庭事蹟具宋史道學傳

欽定四庫全書

欽定續文獻通考

卷一百四十二

六

臣等謹案曹學佺蜀中廣記載是書十一卷以為張浚所作考浚紫巖易傳其本猶存與此別為一書學佺殊誤此本僅始於繫辭天一地二一章卷端題曰繫辭上卷下元胡順父序略曰魯人東泉王公分司廉訪章貢等路公餘講論嘗誦伊川易傳獨闕繫辭留心訪求因得南軒解說易繫繕寫家藏僅合以並傳斯為完書云